

渭南文集卷第一

山陰陸游

綫裝書局

表

天申節賀表

任繼愈署簽



宋集珍本叢刊

第一〇四册

四川大學古籍整理研究所 編

儒藏系列

宋集珍本叢刊

第一〇四冊

任繼愈署簽



綏裝書局

中國·北京二〇〇四年

第一〇四冊目錄

汲古閣景鈔南宋六十家小集(續)

一

南宋八家集

景印知不足齋鈔本

鮑廷博

五四九

宋人小集

清鈔本

王逸陶

六七七

方泉先生詩集卷第三

陽穀周 文璞 晉僊

瞿塘神君歌

黃衫紗帽佳少年，炯然餓虎窮山淵。不
居秦鹿祖龍畔，却走碧鷄金馬邊。左手
斜執巨靈鑿，右手敬抱禹貢篇。離堆順
流已受命，一下不打天。吳鞭有時挾彈
莫雲表，有時蹴踘春風前。有時却自著
絳帕，走入藥市尋神仙。爲人定似李太
白，學道定似葛稚川。孫翁走避乖崖叟，
遣僕送畫不取錢。神君廟食與畫像，千
古萬古當流傳。我昔夢上神君殿，偶值
蓬萊衆真宴。洛陽開盡姚黃花，銅駝陌
上難相見。

清明日書事

蒼弁一如楚執珪，思想越嗌身自低。澗

宋集珍
本叢刊

汲古閣景鈔南宋六十家小集

方泉先生詩集卷三

一

宋集珍
本叢刊

汲古閣景鈔南宋六十家小集

方泉先生詩集卷三

二

宋集珍
本叢刊

水又如古智士，縱橫流轉多滑稽。雜花
半開已倏落，如怨曠女離深閨。幽禽自
呼復相命，如譴逐魄傷窮棲。而我自是
不羈者，行行踏破青萋萋。今回蕩漿苕
霅溪，與野老輩相扶携。園池亭墅游歷
遍，自對蜀錦傾偏提。興闌徑走歸弟舍，
同沃浮蟻烹村鷄。百五之後最寥閒，獨
過趙灣西更西。野夫不知時節換，但要
熟醉如春泥。

雲根

雲從會稽生，旦旦見伯禹。聽讀山海經，
成龍不成虎。禹命雲歸歟，可向戢山去。
昂昂王內史，眉宇照今古。常在此盤旋，
深藏無處所。王孫江海人，雲根自栖翥。
招邀玉葉來，以石爲伴侶。旣從衣上浮，
只就茶裏煮。不入晉家池，肯作秦望雨。

兩儒一支郎不學世間語吳儂哦五字
坎壈酸澁苦併送山中人約束雲下取

聽琴

向人猶抱舜文絃可照書生不直錢彈
出履霜空作惡一林風露已鳴蟬

寄友人

流落他鄉鍛羽翰半年寧復記悲歡夜
傳樓鼓思城角朝見江舡念客鞍不恨
在文章友目送春雲自倚欄

雨

雨意遽如許雲容亦可怜聲聲摠斷續
滴滴更勻圓道院燒香地山房焙盡天
故園無恙否潤色到瓜田

陰山

陰山祠下月如霜不爲嗟猿斷殺腸折

汲古閣景鈔南宋六十家小集

方泉先生詩集卷三

三

宋集珍
本叢刊

得橙花無處賞帶枝分與棹舡郎

新亭

諸君收淚已無言煙外中原草色昏老
子歸來坐廊廟短轅車上欲消魂

法寶寺

細竹千竿殿影斜龍顏曾此著袈裟寺
樓杳杳鍾聲度疑有宮娥出晚花

戒壇

相君孫女小乘僧身入祇園佛律行三
級戒壇秋色冷箇中螻蟻亦長生

亘野王畫像

胡床三弄清溪笛嘆息欵歔太極筆悵
悵斯人風味減江花江草不勝情

玉晨觀二首

野筍衝泉出山花避石開余方有公事
不爲等閑來

汲古閣景鈔南宋六十家小集

方泉先生詩集卷三

四

宋集珍
本叢刊

羽扇臨玄寺霓衣上醮壇九枝松葉冷
千葉杏花殘

寒食有感三首

生平叅道術師事大茅翁持鑰開金匱
焚香立玉童黃麟來地上朱鯉出江中
今在析楊畔依依睡晚風

清明好時節傲吏小詩家失意因流水
傷感爲落花人歸知市靜日落見山斜

汲古閣景鈔南宋六十家小集

方泉先生詩集卷三

五

宋集珍
本叢刊

明日三义路村醪亦自佳

亭午步江皋誰云命不遭愛風吹蛺蝶
怕雨爛櫻桃鑽火烹新乳槌門覓小槽
今年奇事少塵滿舊征袍

桂

偶向花邊立懸知病已瘳小山今夜月
團樹滿庭秋清露露叢底斜河在上頭
須臾香更好還與碧雲浮

自笑

自笑蕭條甚微吟坐到昏江風來掃地
山鳥見開門茶面龍頭縮花梢犢鼻溫
一從杯酒少不復過深村

携李道中二首

吹徹鴛鴦醉碧桃古城斜日泛輕船此
行憶着經行處綠樹黃桑一樣高
卧龍山下聽吟松細雨清明似夢中柳

汲古閣景鈔南宋六十家小集

方泉先生詩集卷三

六

宋集珍
本叢刊

蔭朱欄三百尺渴烏猶自泣春風

梅梁歌

文命殿角東北左上有梅梁鐵交鐐傳
聞舊時枝葉生木質鱗身無不可有時
正練離朱拱歸帶濕萍光欲動低頭下
吸菲嶺泉奮鬚直入陽明洞旁觀但怪
香火濃頃刻即令風雨送爾不見飢鳥
咏鼓來饋食走入嵩高化爲石襪祥禍

福儻或是陰陽幻變誰能測玉筍觀掛
白玉梁含元追下流血柱異事苟逢博
物問後來那得詳其故卷丹雲凝素霧
玉簫九成奠雕俎登歌升降只仰俯鳴
呼梅梁勿飛去

題胡女騎

燕山雪花一尺飛胡人胡女夜打圍海
東青過流沙西黃頭郎主獨自歸創殘
狐兔懸氈車疲憊鷹犬聞笳悲君不見
自從石晉納書欵白溝河湑作邊面

東陽道中

野店捎頭起竈煙江雲弄色半晴天暗
泉遶砌喧人語遠燒侵林照客羈晚日
未收鷄上樹春風欲度鳥耘田布帆無
恙歸心穩纔到家山又迫年

鳳門泉

汲古閣景鈔南宋六十家小集

方泉先生詩集卷三

七

宋集珍
本叢刊

石根兩眼北流泉乳竇潛通御井邊飄
出宮花人不識又沿衰草下山前

寒食曲

今年寒食好天色遊人踏青行不極尋
山不憚千里遠徃徃啼號濕松栢一杯
纔酌墳上土祇就墳前便歌舞故鄉自
有懊惱聲插腰羊皮小番鼓吁嗟悲歡
一餉間但恨死人不能語君不見北客
紛紛俱落南先冢盡被胡塵漫影堂逢
節具飲食魂魄夜行溪谷山

賞春二首

滿酌黃封都市酒斜簷縹蒂御園花半
酣更乞跳珠水獨對風爐自煮茶
賞春社裏鼓逢逢尚恨聲同調不同我
亦明朝苦無事更來吹笛亂山中

春懷

汲古閣景鈔南宋六十家小集

方泉先生詩集卷三

八

宋集珍
本叢刊

棠梨未落柳絲長料望幽人作斷腸已
自不堪田父飲更能重入少年場山連
莽莽荒陂白門掩蕭蕭野日黃想得故
園疎雨外樽前催拍杜韋娘

暮雨

暮雨瀟瀟郎不歸尊前誰憶舊歌詞望
夫烏曰濃於染葉葉驚秋恨欲飛

即事二首

汲古閣景鈔南宋六十家小集

方泉先生詩集卷三

九

宋集珍
本叢刊

樂使金花鼓蠻衣紫錦鞍蕃官舡過界
驛吏報平安

龍護朝元閣鶴樓封禪臺中原垂白叟
只望羽書來

題堯章新成山堂

早將心事付漁樵若被幽人苦見招多
種竹將挑筍喫旋栽松待斫柴燒壁間
古畫身都碎架上枯琴尾半焦猶有住

山窮活計仙經盈卷一村瓢

題廬申之羸綱圖

昔日三郎騎尔祖廟食太山可辛苦後
來崎嶇蜀棧間弃置龍媒復親汝深山
古木雪漫漫險途十步九步艱綱頭呢
囑勿損折要尔助軍身補官

贈相士丁日宣

張公謂余可神仙薛顛謂余可英傑丁
生謂二皆無成世間安有此奇絕麒麟
閣上冠貂蟬龍虎鼎內治大丹興來一
笑掃燕回首已自升雲端何如只向
松江渡楊柳影邊茅屋住卧看蒼虬挾
白雲卷取秋濤過江去

予黥卒

吾作窮奇白下囚汝披短褐從吾遊蔣
侯廟畔沽春酒周處臺邊送客舟械欲

汲古閣景鈔南宋六十家小集

方泉先生詩集卷三

十一

宋集珍
本叢刊

破時應日慘命將絕處亦天愁江陵柳
大如知此對着官軍輒淚流

楊孟博挽詞

向來洛下老書生今見諸孫更老成不
復秀才趨試院已題文學上銘旌泛觀
今古人亡恨只有英雄命莫爭來弔下
聞妻子哭依然認作讀書聲

贈隱者

袁三柳大劉北八長到先生卜肆邊便
拜逸妻爲嫂氏更沽村酒作家筵山公
馬在何須爾林屋冊成亦偶然獨此老
身無藉賴爲他人擲卦爻錢

劍客行

燕雲逆胡着柘黃仁人烈士集太行已
聞泣涕拜明詔共挾金輿歸大梁安得
山人一雙劍走入雲中看不見人間夜

汲古閣景鈔南宋六十家小集

方泉先生詩集卷三

十一

宋集珍
本叢刊

半風雨時逆胡首奏延和殿我生四十
無所成荆淮好漢爲知音丈夫志在仁
義耳麟閣貂冠非本心功成劍化兩龍
去我亦變名入煙霧此時再拜康山人
九霄客星在何處

書事

說戰猶能聽聞屍不忍過役人愁似鬼
病馬瘦於馳甚欲叅經緯其誰出揣摩
中原有遺老亡柰檄書何

見泗州降者

纔自降胡便守邊大家齊數中興年姑
蘇寺裏相逢處爲爾呻吟一悵然

感興七言三首

寥寥古意少人傳莫爲薰琴只五絃夫
子縱心方學易我曹何意便談玄神馳
洙泗身將老望斷沅湘眼欲穿月白風

汲古閣景鈔南宋六十家小集

方泉先生詩集卷三

十二

宋集珍
本叢刊

清如此夜阿郎不肯上鉤天

在家莫羨出家僧擾擾營營竟未曾相
國舟中龍奪劍山人琴畔鬼吹燈從來
不肯尋真訣更自無心學大乘漢室諸
公鳴玉佩也須還我一枝藤

夜夜推敲學苦吟一如鍛鍊假黃金石
間真隱何時出地下狂寬無處尋獨鶴
尚知長袖舞哀猿空作斷腸音故墟祀
菊今何似桂落小山春水深

汲古閣景鈔南宋六十家小集

方泉先生詩集卷三

十三

宋集珍
本叢刊

題天童全老

天童寶樓閣銅釘敲朱扉一老燒香後
諸禪乞食歸天聽塗毒鼓神捧苾芻衣
說了村夫偈依然入翠微

送人之金陵

江山不逐寒潮晚陵墓猶含古木春君
入臺城須訪問箇中定有六朝人

送逸人歸茅洞

三君乘白鵠各在一山椒子去穿茅洞
人方采藥苗花連雲氣近松轉水程遙
想得尋幽侶空歌散午朝

中秋日遊能仁北寺兩刹

輕雲漠漠煙漫漫杖藜扶行不作難無
量壽佛像最古未曾有經碑亦殘秋花
泣露顏色好客子着雨衣裳單題詩寫
寄莓苔壁勿使俗人相對看

汲古閣景鈔南宋六十家小集

方泉先生詩集卷三

十四

宋集珍
本叢刊

贈虎丘僧道輝遊天台二首

世讚碑文換穹龜上綠苔琵琶不可聽
樓閣更堪哀竹動禪僧入梅香凍雀回
開函繙內典日晚未歸來

少小即精勤叅禪復著文香薰滷瀆像
茶酌武丘墳入定山猿見吟詩海鶴聞
幽情正迢遞又拜石橋雲

西湖即事

閑看浮鳩棲曲渚倦隨奔鹿上荒陵松
門雨過長廊靜一架藤花供病僧

宮人斜

冤鬼淒涼掩暮塵野花山葉自精神年
年中使頭邊過暗裏相看似路人

上強寺

方池流水碧溶溶悵悵靈蛇不易逢門

外行人常立看一株唐末半枯松

太湖

太湖我汚池茂苑我林莽橘柚我堆盤
鱸魚我登俎區區爲蘋花移去溪上住
終當賦歸歟來此卧煙雨

寫懷二首

吾聞唐諸僧往往多人傑有携至嵒廊
可並夔稷契偉哉寒山子拾菜衣百結

其文似離騷但自寫木葉

往時陸荆門自是天下雄徒隸解散盡
何處尋樊翁遂令一世士默默逃虛空
至今大堤上葉葉皆春風

九溪十八澗

九溪十八澗冷見帝青苔洗足僧書石
臨流客放杯按頭松葉響身畔野花開
百六辭歌吹清遊始一回

吊辨才二首

讀了碑文讀祭詩冷看遺像立多時郎
當嶺上生雲處山鳥山花憶老師
坡使參寥滴奠茶定將老淚濕煙霞誰
知走入靈山隊又對閑人說法華

西湖小隱

先帝何曾寵倖臣家園籍沒幾經春一
丘賜與嬋娟鬼教主西湖似洛神

麴坊

麴坊纔盡上湖舡笑問雲山欠酒錢兩
行柳絲黃不斷不知身在御園邊

壽星寺聞子規二首

子規欲歸歸未得啼向錢王壽星石月
明血盡人不知只怪曉山深似碧
莫向空山惱病僧莫雲臺殿異鄉人多
時不識巴江路守着濃花哭過春

汲古閣景鈔南宋六十家小集

方泉先生詩集卷三

十七

宋集珍
本叢刊

分夢泉

偷得兩泓清同他猿鳥喫上下泉邊身
上下床上客相對各相忘山中小花白

隱者居

密竹緣坡便當籬野泉入戶自成池床
頭一卷麻衣易更有寒山拾得詩

逸士墳

鬼歸鬼散兩逍遙小小丘亭慰寂寥守

墓未須耘宿草白蟾方護紫芝苗

夏日偶題

溪友相呼上釣舟藕花菱葉思悠悠好
詩已在前山寺寫放參寥石井頭

謝願師見過

雲卷道者方晝睡有僧奚爲入桑杞惠
然相過窮壑底共談儒流佛宗旨二家
之風亦頗靡吹而颺之誰爲起寒灰煨

汲古閣景鈔南宋六十家小集

方泉先生詩集卷三

十八

宋集珍
本叢刊

芋香透紙呼童就鄰一賒米作糜煮菜
相料理吾窮於世無比擬殷勤相覓有
吾子謾書七字聊送似徃供天嬪泣山
鬼

望茅山六言三首

羽衣藥叟歡迎手執蘭花共行從此十
年不調可能久視長生

昔年唱采芝歌已老頭顱柰何不見颯

輪碾處白雲出沒常多

蔣家兄弟清古著書互相推宗博士畫
沙戲劇穿崗度嶺從容

寄山中道友三首

玉函捧上五雲堆着意通幽此一回三
十年來增悵望更無人上望僊臺
恁恁山信寄來時中有黃庭七字詩已
死華顛無覓處幾回吹斷玉參差

汲古閣景鈔南宋六十家小集

方泉先生詩集卷三

十九

宋集珍
本叢刊

憶得尋山復出山綠楊時候暮春間至
今只有游仙夢長與松風自往還

初營鳳山

香草參差種幽花逐旋移既添醒酒石
須着放生池春在年年好山來處處奇
吹簫吾不解長嘯却相宜

梅谷

香燭雲頭玉雪身緩行微詠岸鳥巾始

從谷裏看脩竹却向水濱逢麗人客子
去時方得月嶺猿啼後便無春鳳凰欲
下簫聲緊狼籍瀛州萬斛塵

法華小隱

偃盖着地卧清瑤傍渠走散入流觴臺
轉若珠曲九淙淙不知休還赴石鯨口
灣環合巨澗橫橋傍蒲柳來看暮春餘
衆綠濃似酒摩挲蘇陳刻愈覺歲月久
寺僧愛光焰捧送貴侯有至今星散居
各自開戶牖自棄眠雲身誰縛釣月手
夕陽令我歸爲爾重搔首

既離洞霄遇雨却寄道友

凡骨何堪得再行渴心猶要謂通明驚
聞竹樹連山雨疑有風雷掣地聲鹿啖
黃精知歲久人逢青箬便神清重來只
要齊盂飯副以常堂枸杞羹

汲古閣景鈔南宋六十家小集

方泉先生詩集卷三

二十一

宋集珍
本叢刊

題曹武帝削瓜圖

阿瞞瓜分姿見之垂髻中此心既弗入
此道安可洪漢祚既墜地餘子方困窮
仁義儻自唱曆數豈不同挾令及宮間
殺士延奴童至今弔古徒哀痛殊未終
實以已偏仄遂令彼長雄畫圖出後世
畧見經營工想其昂峙勢亦天誘其衷
此章弗徒歌聊以裨國風

汲古閣景鈔南宋六十家小集

方泉先生詩集卷三

二十一

宋集珍
本叢刊

題蔡武伯所藏荆公硯

獸面鼎足奔回互中有潤澤比雨露當
年曾出富國疏老子平生用心處帝謨
商頌周六典刻畫聲形勞解詁至今文
字與風騷一一相輝炫絃素如聞四海
失枝梧可憾諸公欠調護誰令天乎遽
如許可是石也能無預陳玄同歸蔣山
路亦使高人野僧觀若爲持入定林中應

有明雲入天柱吾鄉風流蔡夫子匣而
藏之美無度君不見公卿後進陸象山
作祠堂記餘千言直欲百世俟聖賢惜
哉不得銘此硯使我失意心惘然

歸別墅

幽棲久不到猿鶴擅藤蘿叢篠生將遍
流泉咽更多鄰翁新釀熟野寺暮鐘和
亦有經行者來觀倚杖歌

汲古閣景鈔南宋六十家小集

方泉先生詩集卷三

二十二

宋集珍
本叢刊

早起

佛香繞了換儒巾身是人間自在身一
路野花清養目半溝流水靜怡神

雨宿山中

留連如有情蕙帳極空明晚粥知泉味
昏鍾度雨聲稍容林叟睡莫放曉猿驚
剝欲剝苔蘚應當寫姓名

再遊九溪

昔年九溪十八澗今度見之逾清真靜
依落石路晚閑繞寂寂山家春可憐
潺湲似留客更覺曲折能隨人得得杖
藜來盡目野棠山杏亦精神

偶題

海氣江聲相與浮今時帝里舊杭州西
湖寺裏多金碧自厭穠華不肯遊

送人之官嚴陵

汲古閣景鈔南宋六十家小集

方泉先生詩集卷三

二十三

宋集珍
本叢刊

如君風貌又精神自合拖紳近紫宸平
地有心洞穴十年無俸着閑身已看青
舫垂垂去須憶緋桃灑灑春若向玄英
臺下過爲言亦是學詩人

與弁山道士飲

采茗歸來日未斜更携苦菜入仙家後
園同坐枯桐樹仰看紅桃落澗花

不欺齋

四首皆爲陳旴軍作

陳兄榜名不欺齋不欺本自誠中來晚
周洙泗漢伊雒中間此道寒如灰不欺
齋中一尊酒兄乎此意差耐久真情往
往到僮僕何況親知與朋友君不見湯
脫胡桃一語失此是迂翁年少日陳兄
再拜吾事畢

望雲亭

淑氣槃槃接九原須臾鱗合更瀾漫自

汲古閣景鈔南宋六十家小集

方泉先生詩集卷三

二十四

宋集珍
本叢刊

從蒿里無顏色來到鍾山有淚痕往者
英雄俱雨絕後來哀痛欲河翻夜深月
照長松下誰見孤飛出墓門

敬思堂四言

有亭央央高丘之傍父兮母兮堅深埋
藏厦屋淒涼宰木成行春秋蒸嘗酒漿
牛羊身體俯偃雖勞弗彰心志瞽亂雖
煩弗揚欲求幽陰茫茫洋洋兩間四方

實繫我腸何以照之明神后皇凡今之人誰同慨傷

陳將軍哀詞

扞環城兮保赤子歸王所兮執弓矢雖有妻子兮不如兄弟嗟全家兮南向而死護行殿兮卧旗鼓統伍符兮莫余侮故宮蕪兮胡作主哀將軍兮鬚垂素氣力絕兮委塵土後來孤童兮不勝測楚天陰陰兮春寂寂曰余兄兮有廟食偕友于兮往作配駕鐵駟兮載雲旆山中人兮望余歸江颺翔兮花亂飛

弔青溪姑詞

青溪之濱有小廟焉相傳以爲溪神蔣子文之妹也旁二偶人陳叔寶宮人也癸酉歲或言有妖据之郡太守毀三像于溪中而犁其廟彼亡國妃

汲古閣景鈔南宋六十家小集

方泉先生詩集卷三

二十五

宋集珍本叢刊

嬪可棄也姑不可棄善惡無別而廢者古今不可勝數也何獨此哉因感之爲吊詞曰

投余兮綠波彼土偶兮柰何余魂兮無依依余兄兮山阿兄姿兮甚雄青骨兮朱弓稱天兮訴余冤令讒夫兮不終

水仙廟鼓吹曲四首

水瀟淪兮不揚山嶽岑兮多巨石神來下獨春仰昂神遠適王孫的咳神無亟兮

汲古閣景鈔南宋六十家小集

方泉先生詩集卷三

二十六

宋集珍本叢刊

倚碧檻款銅鋪德星在南鳥尾連兩峯隱天花深草蒨錢唐十餘萬戶皆看史君歡娛雖涉流沙歷炎都入醫無閭不如東吳

龍飛天門鷄鳴日觀湖州有鶴知夜半端冕結纓鋒車施幪瞻彼孤山男呼女

怨欲裂冕毀車春榮秋枯無翁愁予
雲冥冥雷闐闐橫玉轉流珠乾靈龜入
我夢謂君當旋旣窮海壖之炎天當飲
山中之流泉

招菟

天孫召菟鬼伯催促千歲之淵不爲谷
嶢嵒旣刊松栢桓桓曰惟君之菟于茲
考槃其永安君寔初成余以歸藏筮之
其兆蓋如此也嗚呼休哉

汲古閣景鈔南宋六十家小集

方泉先生詩集卷三

二十七

宋集珍
本叢刊

方泉先生詩集卷第三終